

## Huraa yaala yumga.

<sup>1</sup> \*Kooraa kpaturu yumga. Kà ba yumyuumtba berma wadgan. Sòklb yumgan. Ta yumhòmgan<sup>a</sup>. Bà yuuma-ka wo ban yuuma « moot fiit » yumga<sup>b</sup> lee.

<sup>2</sup> Diilhòma fiiifia gidwa mà ni gid gid,  
maa mà yum huraawu yumga le.  
Mà gbaama nan na  
mà gelmgà kagdg m mà noon  
wo wadfoorthòmfiifii fiortgu.

<sup>3</sup> Vn yatg dabee membee kweelm  
v` noon ror gohòmt hent.  
Tii kaa nnii  
Saberma nohòmr nn ba v` kaa kakefinan.

<sup>4</sup> Hoodwamta, jad v` hoodjuuga  
v` werii v` bermt n v` kweelm want !

<sup>5</sup> ¿ V kweelm wantii nnii bee ?  
Tii nnii na v` jum jugun.  
Jib nan v` hoodlòorn,  
v` teew gobiint n lamèegu ɾ kaa  
ka lagaa n bii b` ba sòbb bii mɛfi' !  
L` ba na v` ñmèegt weriim v` gemmnt  
ɾ safi nidba fobɛfigu.

<sup>6</sup> V fiimi ba sesegii,  
fi ba fi nyatr v` rafeedba nyama,  
lee, tiga door v` kwèen.

<sup>7</sup> Ven, ven boo Sangband ven,  
v` huraant jad ba d` baam kakefinan<sup>d</sup>,  
v` huraant dabiir ba d` ta baam kakefinan,  
ɾ saa, v` huraantii ba na gobiint retn<sup>e</sup>.

<sup>8</sup> Sòkla want ɾ ba sòbb tii,  
ka nyafiaa bii b` kpafi hòm bii.  
Wo ln ba welee lee,  
ven, ven boo Sangband ven,  
miim na Saberma mòmà vu v` jugun tilaara kpaam,  
lee, n bant-v v` hurtaaba huuga.

<sup>9</sup> L` saa, kpaam jugu jugu  
m` ba na kasant rem mii<sup>e</sup>,

- mii kunwa kun kun n v` dimt.  
 V huraant haar nn ba lee,  
 bà maantr-d n ημεημεnyina  
 d' ka ba kwεεlm.  
 Bà gbul kan \*janjali Γ safi-v nyaagb.
- <sup>10</sup> Huraamba biirii ba v` fɔgba huuga.  
 Lee, v` najuudu fien kaalanηhɔmgee nii,  
 taa nya jefira ka maantr  
 n lil sika mɔma tobjilii n hì laalm.
- <sup>11</sup> M̀a bæera, kewlg ! Kpaa yun !  
 Lo tobr n mà wee !  
 Hɔη v` tigr gwεet  
 v` lag n v` sa haar mεfi' !
- <sup>12</sup> ¿ Lag v` bæerm kaa nnii  
 huraa nn da feba v` kaa ?  
 Gwεfima, wo fian ba na v` berm lee,  
 hofilg vyenwu fià tiηa.
- <sup>13</sup> Lee wen lee,  
 \*Tiir tiiba nan daan  
 bà si-v want,  
 kwεgdm tiiba mɔmba nan ba bà bagm na bà teegm-v.
- <sup>14</sup> Huraa bæerwunwuna waa,  
 fià ba bæerm kpaalaa.  
 Kpay fian jibna !  
 H̀a keda ka yofir dimberma.
- <sup>15</sup> Kpay ban kenna-wu n huraa wee !  
 Lee, fiá dima ηmedwa ηmed ηmed,  
 biirfelii hefila-wu,  
 wú n hin bà keda n huraa wee.
- <sup>16</sup> H̀i keda ka nyaaga ka haaw.  
 Lee, kpay ban jiba huraa haar nii !
- <sup>17</sup> Huraa, v` buga n v` yakii nan kadaa v` yandaba tagrn,  
 lee, v` nan kalg-hi huraantn  
 tant mement jugun.
- <sup>18</sup> Lee, mà yumga nan fiēna na  
 bá deer v` hidr waaga wo waaga,  
 Γ saa, tiga mena jafirm-v kakefinaan.

## 45 Yumii

Bà gbul kan janjali l` safi-v nyaagb.  
Huraamba biirii ba v` fõgba huuga.

- 1) Vn yatg dabee mɛmbee kwɛɛlm  
v` noon ror gohɔmt hɛnt.  
Tii kaa nnii  
Saberma nohɔmr nn ba v` kaa kakefnan.
- 2) Hoodwamta, jad v` hoodjuuga  
v` werii v` bermt n v` kwɛɛlm want!  
¿ V` kwɛɛlm wantii nnii bee?  
Tii nnii na v` jum jugun.
- 3) Huraa bɛɛrwunwuna waa  
fià ba bɛɛrm kpaalaa  
kpay fan jibna!  
Hà keda ka yofir dimberma.
- 4) Lee, mà yumga nan fiɛna na  
ba deer v` hidr waaga wo waaga  
l` saa, tiga mɛna jafirm-v kakefnan.

## 47 (46)

### Sangband nnii huraa. L` ba na bà nyɔkm-d.

<sup>1</sup> \*Kooraa kpaturu tiiba yumga. Kà ba yumyuumtba berma wadgan.

- <sup>2</sup> Tiga mɛna tiiba-n,  
gbum-n nataran !  
Bubm-n Sabermwu bubii  
n` kwɛɛri rita !
- <sup>3</sup> Biilm, Sangband mɔmr kpafi heee,  
l` ba na bá valgm-d !  
Dii nnii tant ment hurberma.
- <sup>4</sup> Dii lo tiga t` kweɛn.  
Dii fiɛra t` ka kad fià jugun.
- <sup>5</sup> Dii bantg kɔrgu n to-t  
t` ka welwa.  
Ten nnii Yakooba buudm<sup>a</sup>.

Ten nnii dn sɔkla. (\*Bubga)

<sup>6</sup> Saberm Sangband kota d̄ haarn<sup>b</sup>,  
bà foorā ka hofi \*muulii.

<sup>7</sup> Yuum-n ka nyɔka Saberma !  
Yuum-n, yuum-n ka gbu \*janjali !  
Wii nnii t̄ huraa.  
Yuum-n ka gbu \*janjali !

<sup>8</sup> Biilm, Saberm nnii tant m̄ent huraa.  
Yuum-n-wu yumhɔmii ka gbu \*janjali !

<sup>9</sup> Saberm nnii tiga m̄ena huraa.  
fià kada fià huraaant jargan.  
Wii yen n jafi hefil n kan.

<sup>10</sup> Tiga bermba n H̄abrahaama buudm tiiba ten,  
ten, ten ba na Saberma tigr ten,  
t̄ kpogl̄ taa<sup>d</sup>.  
Biilm, Saberma hefil n tant fiɛn bermba.  
Wii beel l̄ m̄engu jugun.

## 47 Yumii

Yuum-n ka nyɔka Saberma ! (2x)

**Yuum-n ka gbu janjali!**

Wii nnii t̄ huraa.  
Saberm nnii tant m̄ent huraa.  
Bubm-n Sabermwu bubii.

Yuum-n ka nyɔka Saberma ! (2x)

Saberm Sangband kota d̄ haarn  
bà foorā ka hofi muulii  
fià kada fià huraaant jargan.

Yuum-n ka nyɔka Saberma ! (2x)

ten ba na Saberma tigr ten  
H̄abrahaama buudm tiiba ten  
Ten nnii Yakooba buudm.

Yuum-n ka nyɔka Saberma ! (2x)

Ten nnii dn sɔkla.  
Wii beel l̄ m̄engu jugun.

Yuum-n ka nyɔka Saberma ! (2x)

## Saberma yaagu.

<sup>1</sup> \**Ĥasaafa yumga.*

Saberm Gemm-mənm tia Saŋgband gwɛɛlan.

Ĥà hofiaa nidbee memɛmbee

Ƴ lɔg toŋu kwɛɛn kakefinan kù faaga.

<sup>2</sup> \*Siyoon duur fiɛnii,

Saberma rea kan fiayen fià wiinbermgan.

Kaalɛŋee ba kwɛɛlm kpaalaa.

<sup>3</sup> Lee, ƥ Saberma kennan,

fià kpaɛ ba kpofi,

lee, fiá nɔŋa nii, boglam totra Ƴ memenguu,

Ƴ saa fiambermm mɔmm fuura fiá kpama.

<sup>4</sup> Ĥà bo na fià yaa fià tigr n yaagu,

lee n ka hofiaa saŋgbambiim n tant.

<sup>5</sup> Ĥà bɔfiɔɔ na :

« Kpogl-n-ma mà reba,

Ƴ kɔtɔd na bee da fiera \*vit

Ƴ ka weraa na má n ban ƥ ba \*tuurnt. »

<sup>6</sup> Saŋgbambiim faa na

Saberma ba sɔbb,

na wii yaa yaani. (\**Bubga*)

<sup>7</sup> Ĥà bɔfiɔɔ na :

« Nen, nen ba na mà tigr nen, kewlg-n,

mà bo na mà gwɛɛl n nen,

Yisrafieel tiiba nen.

Man nnii Saŋgband,

man nnii n` Saberma.

Mà ba mà kpal-n.

<sup>8</sup> Mà kpaɛ kpal-n \*vit nn vid-ma tii kaa :

n` vidl-ma herufi'.

<sup>9</sup> Lee, mà kpafi mà daan n` ni fiaa

mà lɔg naadaar,

laa, mà jib fià kodiirn

mà mug butajuntgu.

<sup>10</sup> ¿ N` kpaɛ mi na

kpam dɔmii menmii ba na mà remn ?,

- duuran n raanin remii mefi'.
- <sup>11</sup> Nmenii hí ba duuran hii menhii,  
 ¿ mà kpaá yuu-hin ?  
 L' saa, bii b' ba vuugun bii membii,  
 ¿ lag mà rebn ?
- <sup>12</sup> Ka kóm nn la ba m` bee m` kuu-ma,  
 ¿ mà haar mà bɔfɔɔm nen laa ?  
 Biilm, tantii mentii ba na mà retn,  
 n bii b' ba t' jugun bii membii mefi'.
- <sup>13</sup> ¿ Naadaara namt nnii man jun ?  
 ¿ Butajunta jiim nnii man nyin ?
- <sup>14</sup> Lee, Saberm manii,  
 \*vit ln ba na n` safim-ma tii nnii na  
 n` yuum yumii ka seenja mà mɔma,  
 ka ta fiɛna bii nn foor na n` fiem-ma bii jugun.
- <sup>15</sup> Welee lee, ka kunyɔɔɔ t da n ka yata nii,  
 hofi-n-ma, maa mà sofidg-n,  
 lee, n` bakrm-ma. »
- <sup>16</sup> Nidalm lee, Saberma bɔfɔɔ-wu na :  
 « Sɔkla na v` tɔgiim mà \*bafilb v noon n jafi'  
 ka mi na t' \*tuurntii hentii nnii.  
 ¿ Ben nnii welee ?
- <sup>17</sup> Ta kir mà haglbii  
 ka kɔfida mà gwɛet.  
 ¿ Ben nnii welee ?
- <sup>18</sup> Ka v' nyaan bawdaa,  
 v' n wun n' ka turaa.  
 Ka v' nyaan yaruutaa,  
 v' n wun n' ka kad.
- <sup>19</sup> Gobɛfit n jafi ror v` noon,  
 v` gelmga kud gokaat hent.
- <sup>20</sup> Vn kadaa volba man lee,  
 n ka bɔfɔɔ v` teela gwɛet bɛfigu.  
 Welee tiibee nɔngan nnii  
 vn kofila vyen v` teela mɔma hidr.
- <sup>21</sup> ¿ Lag vn fierá welee wantii mentii ?  
 má ka hen.  
 Lee, v' ka diila wo  
 mà boo vn ba lee, ¿ laa bee ?

Maa mà kpal-v,  
mà kaal v` befigu vn fier kuu menguu kuyen kuyen. »

<sup>22</sup> « Nen, nen gwidaa-ma kaawr nen,  
mà bɔfɔɔ-n ka lil hɔm na n` kewii,  
ka lag welee,  
maa mà sadr-n saagu saagu,  
fii kpaɸi fià sofidg-n felafi'.

<sup>23</sup> Hii fiá yuuma yumii ka seeɲa-ma wii,  
wii fiɛna \*vit ln ba na bá safim-ma tii,  
ɿ jeɛɲla-ma.  
Hà lɔgra hurhɔmu.  
Huu jugun nnii, Saberm man,  
man ba mà werii-wu mà jugu dafib. »

## 50 Yumii

Saberma rea kan fiayen fià wiinbermgan.  
Kaalɛɛ ba kwɛɛlm kpaalaa.

- 1) Hà bo na fià yaa fià tigr n yaagu,  
lee n ka hoɸaa sangbambiim n tant.
- 2) « Kpogl-n-ma mà reba,  
ɿ kɔtɔd na bee da fiɛra vit  
ɿ ka weraa na má n ban t` ba tuurnt. »
- 3) Hà bɔfɔɔ na :  
« Nen, nen ba na mà tigr nen,  
kewlg-n, mà bo na mà gwɛɛl n nen.
- 4) Mà kpaɸ kpal-n vit nn vid-ma tii kaa :  
n` vidl-ma hɛruɸ'. Lee,  
mà kpaɸ mà daan n` ni fiɛaa.
- 5) Ka kɔm nn la ba m` bee m` kuu-ma,  
¿ mà haar mà bɔfɔɔm nen laa ?  
Biilm, tantii mentii ba na mà retn.
- 6) ¿ Naadaara namt nnii man jun ?  
¿ Butajunta jiim nnii man nyin ?  
Saberm manii,  
yuum yumii ka seeɲa mà mɔma.

7) Há yuuma yumii ka seenja-ma wii, fiɛna vit  
In ban a bá safim-ma tii, l` jeenla ma,  
man ba mà werii-wu mà jugu dafib.

## 65 (64)

### Bá nyɔkm Sangband na dii doowan !

<sup>1</sup> *Daviida yumga. Kà ba yumyuumtba berma wadgan.*

<sup>2</sup> Hoo, Sangband !

Ven, ven go \*Siyoon duur fiɛn ven,  
magra na bà nyɔkm-va.

L' saa, bii tn foor na tii t̄ fiɛm-v bii,  
t̄ vala-b ka fiɛna b' jugun.

<sup>3</sup> Ven, ven kewla baaben tia seenjb ven,  
nidbee membee kenna n v̄ wee.

<sup>4</sup> L' saa t̄ fubefihii menhii yata-t jeegu,  
gwentafi lee, venii,  
vii waalaa-t t̄ befigu.

<sup>5</sup> Lameɛgu tii nnii nid vn banta wii,  
nyɔfila-wu n vyen  
n saa fiá ka go v̄ haarn.  
Tn jum-n nan lameɛgu kú ba v̄ haarn kuu,  
v̄ habuudr mɔmrn rekuu,  
tn jum-n-ku kakefinan !

<sup>6</sup> Saberma !

Leeda-t ka fiɛna hoolgu want.  
Tii weraa na v̄ ηmɛɛgt ba sɔbb.  
Lee, ven nnii t̄ jundafida,  
tant fiɛn nidbee membee lɔɔ v̄ fiɛn bá daaǵb,  
ka lagaa n bá baa n nyaam kaann bee mɛfi'.

<sup>7</sup> Vyen v̄ kwɛgdin nnii vn bafi duura.

Ba n gemmnt kpaalaa.

<sup>8</sup> L' saa, v̄ kowr vn ba n dii nnii  
vn kwiinla nyaam n m̄ wada ɾ kpuurb,  
ka lagaa n tiga biirb mɛfi'.

<sup>9</sup> Lee, bii v̄ lamba nn ba b' jugun bii,  
b̄ safil kɔrgun nidba fobefigu,



ka lagaa n bá la baa vɔkun bee mefi'.  
Welee fiɛna tant fiɛn nidba buba-v bubii,  
Í lɔg toŋu kwɛɛn kakefinan kù faaga.

- <sup>10</sup> Ven kiiga tant jugun,  
ven safil tantii nyaalm,  
ven hugla-t n kwɛgt mɛnt.  
Hoo Saberma ! Safil sai ka kpaɛ keema  
le, Í maantra tant  
ka safi nidwu dikafib.
- <sup>11</sup> Ven hugla kwɛgdi n nyaalm,  
ven maantra vugi,  
ven saa maleem t ka roon  
ka nyifaa tant hɔm,  
ven kaawla kɔrgun want t' gbuɛ tii jugun.
- <sup>12</sup> Welee nnii vn kalgra bind n v` ɲmɛɛhɔmt.  
V kan niwaa v` nakpaɲa ree,  
hugla kan n jafiaam,
- <sup>13</sup> ka lagaa n kpamloŋun dɔmgwifia.  
Dui hugl n nyaagb ɲmei,
- <sup>14</sup> Í saa, fei n buri door dɔmgwifiiifeen  
Í tɔn wo dimt dela.  
Yaant ni, dikafib t hu  
Í ka boo dimr diir.  
L' mɛnguu nyaaga, ka yuuma, ka fioora.

## 65 Yumii

Ven, ven go Siyoon duur fiɛn  
ven magra na bà nyɔkm-v.

- 1) Ven, ven kewla baaben tia seenb  
nidbee mɛmbee kenna n v` wee.
- 2) Lamɛɛgu tii nnii nid vn banta wii  
nyɔhla-wu n vyen.
- 3) Tn jum-n nan lamɛɛgu kú ba v` haarn kuu  
v` habuudr mɔmrn rekuu.
- 4) Leeda-t ka fiɛna hoolgu want

tii weraa na v` ηmεεgt ba sɔbb.

5) Bii v` lamba nn ba b´ jugun bii  
safi kɔrgun nidba fobεfɔgu.

6) Ven kiiga tantii jugun  
ven safi tantii nyaalm.

7) Ven hugla-t n kwεgt mεnt  
safi sai ka kpaa kεema.

## 68 (67)

### Saŋgband jugun deb yumga.

<sup>1</sup> Daviida yumga. Kà ba yumyuumtba bermba wadgan. Bà yuuma-ka ka gbu \*janjalu.

<sup>2</sup> Saberma vidgn.

Êá rafeedba, bee nyaafiaa-wu,  
bà sol ka yadra taa vɔkun n wun.

<sup>3</sup> Êà bɔraa-ba<sup>a</sup>

wo nyii nn dugda n boorm lee.  
Bà boo hiit, tulgu fiεna t´ neent.  
L` ta ba yenmii n bεfiεba :  
bà boora Saberma nɔngan.

<sup>4</sup> Hɔmba lee,

bee nyaaga Saberma nɔngan,  
bà nyinwa ka welwa wel wel.

<sup>5</sup> Yuum-n Saberma yumii

ka hofi Êá hidr ka gbu \*janjali !  
Wat nii Êá hooddeer.  
Koo-n-wu huru !  
Bà hofil-wu na Saŋgband.  
Bεm-n nyaagbn ka fiɔra Êá nɔngan !

<sup>6</sup> Wii nii kunyɔɔbii sa,

wii ta taawa kunfɔgba kaa.  
Êà ba Êà haarn ka ba na wii nii wii.

<sup>7</sup> Êii Êá kpafi n fii wii,

Êá safim-wu haar.  
Êá ba sargan wii,

fiá ree-wu kà ni nyaagbn.  
Biiba bá kir-wu bee lee,  
fiá fiem na bà goom kaalanƙparmgun.

<sup>8</sup> Hoo Saberma !

Vn da defir v` tigr nongan lee,  
ka kpaflaa-d n kparamngu. (\*Bubga)

<sup>9</sup> Lee, vii kaa, tant t dam<sup>b</sup>,

sanƙbambiim t vu saaga.

Hoo Saberma !

ven da ree vyen n werii \*Sinaayi duur jugun,  
ven nnii Yisrafeel tiiba nn door tiŋan.

<sup>10</sup> Hoo Saberma !

ven kena n toŋu kù ni hòm,  
v` kɔrgu nn kuum lee, kú himt.

<sup>11</sup> Kɔrguu, ven da maantr-ku.

Ree nnii v` tigr nn kad.

Ba hòm kpaalaa n kunyɔŋtiiba.

<sup>12</sup> Saberma tɔɔ wad,

yelmaa fɔgba hiinu t ka faa gohɔmtntina na :

<sup>13</sup> « Huraamba bafi kili,

bà tawdba sol ka yɔfiwa,

Ɔ saa na fɔgba bá kpat bà hayan bee,

bà raar taa bà want.

<sup>14</sup> Bà mefira kurjment n fiid-d n kudnanu,

Ɔ saa ɗ kowt ba n sikmɔla<sup>d</sup>.

¿ Nii doora yem n` want huugan ?

<sup>15</sup> Gemm-menm tia nn yadra huraamba vɔkun lee,

Ɔ boo nyaŋgafiga fentr Duhool<sup>e</sup>. »

<sup>16</sup> \*Basaan duur ba na dubefirn,

kaalanƙbefiii ba ɗ jugun kɔd.

<sup>17</sup> ¿ Ben kaa nnii duur ɗ fiem ba kaalanƙbefiii dii

dn ta fiema nɔmmɔlb n duur Saberma nn kɔtg dii<sup>e</sup> ?

Hà kɔtg-d na fià goom ɗ fiem.

Ka ln la ba,

Sanƙband ba ɗ la goom kan kakefinan.

<sup>18</sup> ¿ Baa bà bee bà kaal Saberma hoodlɔɔra ?

Hà ba ruuni ruuni.

Saberma ba fià huuga.

Wii da ree fiayenwu \*Sinaayi duur fiem,

- fà ba fà kaalanbermga mɔmɔn.
- <sup>19</sup> Hâ kotg faaga lig lig,  
wú n fian mɔgr bee,  
ka sofidg nidba want n gemmnt<sup>f</sup>,  
ɿ lag n bá kpaá door-wu tiɿan bee,  
na Saberm Saɿgband bɛm n haar.
- <sup>20</sup> Bá nyɔkm Saberma !  
Hâ kiiga t̄ fiɛn goor wo goor.  
Saberma daɿl t̄ jugu.
- <sup>21</sup> Wii nnii tn door tiɿan,  
Wii nnii Saɿgband  
wii daɿl t̄ jugu.  
Hâ ba n gemmnt na fà ree-t kuumn.
- <sup>22</sup> Hâ rafeedba lee,  
bee kpafi n bà nifi n hí kwifir.  
Ban la ba na koowt tiiba<sup>s</sup> lee,  
fà waaga bà juuni.
- <sup>23</sup> Saberma bɔfiɔɔ na :  
Maa mà ɱmelgn-ba,  
Maa mà ɱmelgn-ba  
ka bà la ba \*Basaan duur jugun,  
laa nyaam kwɛɛn.
- <sup>24</sup> Welee lee,  
v̄ da v̄ bee v̄ hamtrm v̄ rafeedba jiiimn,  
lee, v̄ gwei lentr hì teg.  
Saberma noon gwɛɛt nnii.
- <sup>25</sup> Hoo Saberma !  
Ven nnii man door tiɿan,  
ven nnii mà huraa.  
Vn da diir jugun n ka jiba v̄ haarn lee,  
nidfigm da nawdra ka heɿla-v,  
m̄ da kpafi jafi'.  
Nidbee membee da nyanan.
- <sup>26</sup> Yumyuumtba da ba nɔngan,  
\*janjali gbuudba tagd-ba kaa,  
biirii ba kpama ka gbu bina.  
Bà da yuuma na :
- <sup>27</sup> « Kpogl-n taa n̄ jum kasant  
ka nyɔka Saberma !

- Nen, Yisrafeel tiiba mamba nen,  
seejɲm-n Saŋband ! »
- <sup>28</sup> Beñyamiina buudm tiiba ba kan,  
da wii nnii bunooɲa.  
Bee defira nɔŋan<sup>h</sup>.  
Yuudaa buudmɲn huraamba ta bee,  
bá n bà nidba,  
nyaaɲb hoda bogm bà huuga<sup>fi</sup>.  
Jibuloona buudmɲn huraamba  
n ta Naftalia buudmɲn reba ta bee.
- <sup>29</sup> Nen, nen door Saberma tiɲa nen,  
n` kee n` bɛm n gemmɲt,  
wii mɔma beda welee<sup>i</sup>.  
Êhoo Saberma !  
Hafilg vn fetg-t fieb bii !
- <sup>30</sup> Ba n faaga v` haarn  
ka mad Yerusalem v` kwɛɛn.  
L` ba na huraamba safim-v want.
- <sup>31</sup> Kpal-ba !  
Êhejift kaagrɲ dɔm bibifiguu  
n tigvolfee, kɲamnaagi n fi` bii kodiirfee,  
Ɂ ba na Ɂ menguu daan n liɲbkɲaiɲm  
bà filtm v` tiɲa.  
Yadr tiga fiá sɔkla hoodr fee !
- <sup>32</sup> Bermba reda Êhejift n daan.  
\*Kuus tiiba taana ka sol,  
bà nifi t hugl n want na bà si Saberma.
- <sup>33</sup> Tiga mena tiiba-n,  
yuum-n Sabermwu yumii ka gbu \*janjali ! (\*Bubga)
- <sup>34</sup> Saŋgbambiim manna n ka bee.  
Mii biimɲn nnii fià hooddeer nn bee,  
yuum-n-wu yumii !  
Êhe-n hɔm !  
Êhà gwɛɛlan.  
¿ Noted nnii welee ?
- <sup>35</sup> Miigm-n Saberma gemmɲt !  
Êhà ba fià bermtɲn ka mad Yisrafeel,  
fià gemmɲt hugl saŋgbambiimii menmii.
- <sup>36</sup> Êhoo Saberma !

Ban taana v` kan go ree lee,  
I ka safi fobefigu.  
Biilm, kaalanjee ba n kayen.  
Ven nnii Saberma,  
Yisrafieel tiiba doora-v tijan.  
Ven safil-ba kwegdi n gemmnt.  
Saberma, ven fiera ηmεεgb !

## 68 Yumii

Yuum-n Saberma yumii  
ka hoñ hía hidr ka gbu janjali.

- 1) Ben-n nyaagbn ka floora hía nongan  
Wii nnii kunyogbii sa  
Wii ta taawa kunfögba kaa.  
Hà ba hà haarn ka ban a wii nnii wii.
- 2) Hii hía kpañ n hii wii,  
hía safim-wu haar.  
Hà ba sargan wii,  
hía ree-wu kà ni nyaagbn.
- 3) Biiba bá kir-wu bee lee  
hía hena bà goom kaalanjparamgun.  
Vn da defir v` tigr nongan lee,  
ka kpañaa-d n kparamkparamgu.
- 4) Lee, vii kaa tant t dam  
Sangbambiim t vu saaga  
Vn da ree vyen n werii Sinaayi duur jugun.
- 5) Bá nyokm Saberma  
Hà kiiga t` hien goor wo goor.  
Saberma dañl t` jugu.  
Wii nnii tn door tijan.